



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Iubilæum Quoad Confessarium

urn:nbn:de:hbz:466:1-40647

sola contritione, tenetur confiteri, etiamsi præscriptam confessionem præmiserit.

Probabile tamen est, Communionem factam in peccato sufficere, si non sit ultimum opus, & poenitens in ultimo instanti sit in gratia.

Pueris, patientibus tussim, & vomitum; item ei, qui inadvertenter bibit, Communionem commutari debet in aliud opus pium.

mentum. Unde, si habens physicam, aut moralem impotentiam confitendi, post alia opera communicaret cum solâ contritione, non lucraretur Jubilæum; quia hic non est casus, in quo quis possit communicare cum peccato mortali sine prævia confessione. Ita Suarez tom. 4. disp. 52. sect. 3. numer. 6. contra Vega part. cap. 7. cas. 31. part. 5. tract. 12. ref. 29. † & se citat in p. 3. tract. 4. resol. 260. ubi in §. Itaque oppositum refert notare Leonem †.

15. Probabile tamen est, quod ait Bossius de jubil. sect. 7. cas. 20. numer. 17. communionem factam in peccato mortali sufficere ad satisfaciendum oneri communionis pro Jubilæo consequendo, si communio non sit ultimum opus ex requisitis, & poenitens in instanti, quo applicatur indulgentia (quod est ultimum instans desitionis ultimi operis extrinsecum, in quo verum est dicere: nunc primo omnia requisita completa sunt,) sit in gratia. Quia non omnia opera requisita præstanda sunt in gratia. Et illa verba devotè & reverenter in Jubilæo apposita respectu communionis, sumi possunt pro devotione & reverentia extrinseca, quæ consistit in externa compositione & modestia, vel etiam intrinseca; quæ consistit in actu patriæ, & cultus divini, intentione obediendi Papæ, lucrandi Jubilæum, & similibus, quæ non excludit peccatum habituale. part. 1. tractat. 11. resol. 6. in fine. part. 3. tractat. 4. resol. 148. & part. 5. tract. 12. ref. 27. circa medium & part. 10. tr. 15. ref. 55.

16. Nota etiam hic contra Fernandez in medull. part. 3. cap. 8 §. 8. num. 3. pueros non valentes pro ætate communicare, non acquirere Jubilæum communicando solum spiritualiter; sed debere illis commutari in aliud opus pium, ut ait Faustus de jubil. lib. 4. quest. 45. Quod etiam procedit in infirmis patientibus tussim, vomitum, &c. in eo, qui inadvertenter bibit, & similibus. resol. 77.

cit. §. Notandum.

I V B I L Œ V M
Quoad Confessarium.

17. † **P**ER Jubilæum concedi solet facultas eligendi confessarium approbatum, qui poenitentes absolvat à reservatis, & censuris, de quibus infra Ille autem confessarius est eligibilis per Jubilæum, quem diximus V. Bulla Cruciatæ eligi posse per Bullam. Vide ibi. Solum ergo hic dicendum quoad Regulares, quibus Bulla quoad hunc articulum non suffragatur †.

18. Ergo Regulares, quibus tempore Jubilæi conceditur facultas eligendi confessarium approbatum ab Ordinario, possunt illum eligere extra Ordinem. Ita Bossius de jubil. sect. 3. cas. 4. num. 17. contra Molfesum apud ipsum. *ibid.* Contra quem etiam addit, non posse Superiorem id eis prohibere. part. 5. tract. 12. ref. 37. §. Notandum.

19. Sed, an sufficiat confiteri, cum approbato à proprio Prælato? Negat Henrquez lib. 6. cap. 6. numer. 4. in Gloss. litt. K. Quia in Brevi dicitur, approbatum ab Ordinario; Prælati autem Regularis non est ordinarius. Idque in Jubilæo cautum esse, quia Summus Pontifex potuit animadvertere, Episcopos in approbandis Confessariis esse plerumque Prælati Regularibus cautiōses. Bonacina de Sacrament. disput. 5. quest. 7. punct. 4. §. 1. numer. 25. affirmat, atque Papam verba illa approbatum ab Ordinario pro Religiosis apponere cumulativè, non privativè; quatenus id possunt, si velint, non tamen teneantur. Ita etiam Bossius cas. 3. numer. 10. qui ait, verba illa sumenda esse cum expositione accommodata, ut si agatur de laicis, debeant eligere approbatum ab Episcopo; si verò de Religiosis, à suo Prælato, qui est ipsorum Ordinarius. Lezana 99. regul. cap. 19. num. 19. distinguit, aitque: Vel in Jubilæo dicitur approbatum ab Ordinario tantum, vel, approbatum ab Ordinario

Per Jubilæum eligi potest in confessarium, qui eligi potest per Cruciatam

Et si non excipiuntur Regulares, eligere possunt extra Ordinem invito Superiore. Dummodo sit approbatus ad Ordinario Vel secundum probabilem sententiam à suo Prælato.

dinario loci. Si primum, possunt Religiosi eligere approbatum à suo Prælato: si secundum, non possunt. Omnes hæ sententia sunt probabiles, *part. 5. tract. 12. ref. 37. †* & opinionem Bonacina, quam novissime sequitur Zambeldus *v. iubilæum num. 19 in part. 2. tract. 17. ref. 47. & part. 3. tract. 2. ref. 21.* solum refert: unde ignaviter & petulanter illum carpit Ferro *p. 2*

Quid de Monialibus?

99. *vicar. q. 72. †*
20. Moniales secundum Polaceum *In Bull. Iubil. Urbani VIII. sect. 41. num. 8.* non possunt in Iubilæo eligere confessarium approbatum, sed debent confiteri proprio confessario. Et sic sacram Congregationem declarasse testatur. Sed ego hanc declarationem invenire non potui. Et contrariam sententiam docent Bonacina *numer. 22.* Bossius *cas. 5. num. 2.* & Peyrinus *tom. 3. c. 4. num. 4.* Qui addit, eas eligere posse Regularem à suo Prælato, vel sæcularem ab Episcopo approbatum, sive subjectæ sint Episcopis, sive Prælati regularibus, & si sunt subjectæ regularibus, posse eligere ex religione: quia favorabilia sunt amplianda. Et quod eligere possint quemcumque approbatum ab Ordinario loci, ait Peyrinus non esse difficultatem post Bull. S. D. N. Urbani VIII. *Pontificia sollicitudo*; in ea. n. id Monialibus expressè conceditur, *part. 5. tract. 12. ref. 12. †* Hoc loco Auctor non ponit suam sententiam, licet videatur inclinare cum secunda. At in *part. 3. tract. 2. resolut. 29.* quæ postea impressa iteratò est in *tract. 4. post. 153* videtur pronior in primam. †

I V B I L Æ V M
Quoad reservata.

21. Quando in Iubilæo datur facultas expressa absolvendi à casibus Bullæ Cœnæ, non requiritur expressa derogatio ipsius Bullæ, vel individua mentio dictorum casuum. Ita Bossius *ubi infra* contra Duard. *in Bull. Cœn. lib. 3. §. 2. quæst. 2. num. 13.* († An verò

Per iubilæum absolvi possunt casus Papales.

in tali casu absolvi possit hæresis occulta, Vide *verb. Absolvere numer. 83. †.*) Sed difficultas est, an quando conceduntur casus Papales absque exceptione, intelligantur etiam concedi casus Bullæ Cœnæ? Et quidem LAVORIUS *de Iubil. part. 2. c. 28. num. 24.* & alii communiter negant; eo quia habent specialem quandam gravitatem, ob quam Pontifex in specie seiscitatus, non esset illa concessurus, & hæc sententia apud me certa est, quia quando Pontifex vult concedere casus Bullæ Cœnæ, illos explicat, sed Bossius *de iubil. sect. 1. cas. 7. num. 2.* affirmativam sententiam putat esse probabilem, quia cum facultas datur pro omnibus casibus papalibus, non est cur aliqui excipiantur, præsertim in re favorabili Bullam verò Cœnæ revocare facultates particulares personarum, Religionum, &c. minimè generales omnium fidelium & extraordinarias, quale est Iubilæum, *part. 7. tract. 12. resol. 34.* casus episcopales, ait Bonacina *de cons. disp. 2. quæst. 2. artic. 15. num. 10.* absolvi non posse, quia Clemens VIII. in quadam Bulla decrevit, ne ullus prætextu cujuscumque privilegii absolvat à casibus Episcopo reservatis. Sed meritò hanc opinionem reselunt Zanardus *part. 1. c. 21. quæst. 34.* & alii quia cum in Iubilæo expressè concedatur absolvi à reservatis Papæ, à fortiori conceditur, absolvi à reservatis Episcopo. Et alioqui rectè hanc opinionem extendunt ad casus & censuras reservatas ab Episcopo post publicationem Iubilæi, *part. 3. tract. 4. resolutione 149.* Absolvi possunt reservata, si solum dicatur à censuris, *p. 10. tr. 13. resol. 3.*

(Præter casus Bullæ Cœnæ, nisi exprimantur?)

Et episcopales.

22. Qui tempore Iubilæi obtinuit absolutionem reservatorum animo lucrandi Iubilæum, quod postea culpa sua non lucratur, non propterea in reservationem reincidit. Ita Suarez *in 3. part. tom. 4. dispus. 31. sect. 4. num. 5.* contra Rodriguez *in Bull. Cruc. §. 3. num. 8.* quia non fuit absolutus ad reincidentiam: id enim nec habetur in diplomate, nec Confessarius absolvere potest sub

Qui si Iubilæum non acquiratur non propterea revertuntur.